

Sarkina Bt Mat Saad @ Shaari

From: UUM CORPORATE COMM.
Sent: Saturday, November 9, 2019 9:37 AM
To: UUM - All Staff; UUM - All Students
Cc: Staf - Pesara UUM
Subject: PERUTUSAN NAIB CANSELOR SEMPENA SAMBUTAN MAULIDUR RASUL



UUM Corporate Comm.
Universiti Utara Malaysia

9 NOVEMBER 2019 / 12 RABIULAWAL 1441H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)



UUM ONLINE:

PERUTUSAN NAIB CANSELOR SEMPENA SAMBUTAN MAULIDUR RASUL TAHUN 1441H/2019M

Assalamualaikum Warahmatullahi Wabarakatuh

Muslimin Muslimat warga UUM yang dirahmati Allah,

Syukur Alhamdulillah, segala pujian bagi Allah Subhanahuwataala Tuhan sekalian alam, atas kurniaan-Nya kepada kita seorang manusia teragung, iaitu Nabi

Muhammad Sallallahualaihiwasallam. Selawat dan salam ke atas Baginda, ahli keluarga dan para sahabatnya.

Bersempena sambutan Maulidur Rasul tahun 1441H ini, marilah kita mengenang kembali perit getir perjuangan Nabi Sallallahualaihiwasallam dalam usaha Baginda membawa risalah Allah Subhanahuwataala. Walaupun peristiwa ini telah berlaku lebih 1400 tahun yang lalu, namun seandainya risalah ini tidak sampai kepada kita, nescaya kita masih terbelenggu dengan kejahilan, persengketaan dan jauh daripada rahmat Ilahi. Firman Allah Subhanahuwataala dalam surah Al-Jumu'ah ayat 2 yang bermaksud:

“Dialah yang mengutus kepada kaum yang buta huruf seorang Rasul di antara mereka, yang membacakan ayat-ayat-Nya kepada mereka, mensucikan mereka dan mengajarkan mereka Kitab dan Hikmah (As Sunnah). Dan sesungguhnya mereka sebelumnya benar-benar dalam kesesatan yang nyata”.

Kehebatan peribadi Baginda Sallallahualaihiwasallam dalam melakukan beberapa transformasi telah menyatukan puak yang bersengketa sehingga menjadi ummah yang perkasa. Seterusnya Nabi Sallallahualaihiwasallam mengatur landskap kehidupan masyarakat yang berbilang kaum dan mewujudkan konsep perpaduan dalam kepelbagaian. Wujudnya kepelbagaian ini merupakan hikmah daripada Maha Pencipta. Allah Subhanahuwataala berfirman yang bermaksud:

“Wahai umat manusia! Sesungguhnya Kami telah menciptakan daripada lelaki dan perempuan, dan Kami telah menjadikan kamu berbagai bangsa dan suku puak, supaya kamu bertaaruf dan berkenal-kenalan (dan beramah mesra antara satu dengan yang lain) ...” (Surah al-Hujarat: 13)

Kesimpulannya, sifat rahmah Rasulullah Sallallahualaihiwasallam dalam menyatukan masyarakat berpandukan Al-Quran dan Sunnah memberi tauladan kepada kita agar sentiasa mengutamakan sifat rahmah bagi merealisasikan penyatuan demi mewujudkan negara yang harmoni serta melahirkan rakyat yang hidup aman sejahtera.

Bertepatan dengan tema sambutan Maulidur Rasul Sallallahualaihiwasallam tahun 1441H/2019M Peringkat Kebangsaan, iaitu ‘NEGARA RAHMAH UMMAH SEJAHTERA’, saya amat berharap agar kita terus memperkukuhkan ukhuwah sesama kita yang merupakan kunci utama kesejahteraan umat muslimin di samping sentiasa menyantuni masyarakat bukan Islam dan menjadikan Sunnah Rasulullah Sallallahualaihiwasallam sebagai pedoman dalam meraih rahmat Allah Subhanahuwataala.

Naib Canselor
Universiti Utara Malaysia





Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.